

# CONVOCATORIA PARA O ANO 2026 DAS AXUDAS DE APOIO Á MOBILIDADE PARA PERSOAS CON DIVERSIDADE FUNCIONAL E/OU CON DEPENDENCIA

## **ARTIGO 1.-OBXECTO**

Mediante esta disposición convócanse as axudas á mobilidade para persoas con diversidade funcional e/ou en situación de dependencia para o exercicio 2026, destinadas a proporcionar un medio alternativo de transporte a aquelas persoas, gravemente afectadas na súa mobilidade, que así o acrediten, co obxecto de acadar a plena participación no seu medio habitual.

As persoas destinatarias deberán cumprir os requisitos establecidos nas BASES REGULADORAS DO PROCEDIMENTO DE CONCESIÓN DE AXUDAS DE Á MOBILIDADE PARA PERSOAS CON DIVERSIDADE FUNCIONAL E /OU EN SITUACION DE DEPENDENCIA publicadas no BOP nº 237 de 15 de Decembro de 2017.

Tendo en conta o obxecto e a finalidade destas axudas, o procedemento de concesión tramitarase en réxime de concorrencia non competitiva, de acordo co establecido no artigo 19.2 da Lei 9/2007, do 13 de xuño, de Subvencións de Galicia.

## **ARTIGO 2.- PRAZO E PRESENTACIÓN DAS SOLICITUDES**

O prazo de presentación estará aberto **ata o 31 de outubro de 2026** e, en todo caso, no momento de esgotamento do crédito orzamentario, o que será publicado no Boletín Oficial da Provincia mediante Resolución do órgano municipal competente.

As solicitudes presentaranse a través do formulario normalizado, acompañadas da documentación preceptiva.

## **ARTIGO 3.- CRÉDITO**

O importe total destinado a estas subvencións é de **50.000 €** e faranse efectivas con cargo á aplicación 231.48903 do Orzamento Municipal de 2026, quedando condicionada a súa concesión á existencia de crédito axeitado e suficiente.

A contía establecida nesta convocatoria poderá ser obxecto de ampliación mediante resolución do órgano municipal competente e terá efecto logo da súa publicación no Boletín Oficial da Provincia, de

conformidade co establecido no Regulamento da Lei 9/2007, de 13 de xuño, así como na Lei 38/2003, de 17 de novembro.

#### **ARTIGO 4.- REQUISITOS**

1. Estar empadroada e residir no municipio de Arteixo cunha antigüidade dun (1) ano, anterior á apertura do prazo da solicitude e permanecer de alta no Padrón de habitantes municipal mentres perciba a axuda.
2. Ter recoñecida a condición legal de diversidade funcional en grao igual ou superior ao 33%, e /ou a situación legal de dependencia, mediante certificado emitido polo Organismo público correspondente.
3. Ter recoñecido legalmente a situación de mobilidade reducida ou de dificultades no uso diario de transporte público colectivo, e que así o acredite o Certificado emitido polo Organismo público que compete.
4. No caso de que a solicitante se atope en activo, non ter recoñecido este tipo de beneficio por convenio colectivo, contrato laboral ou calquera outro título acreditativo.
5. Non ter dereito a este servizo de modo subvencionado, ou non ser susceptible de telo, na totalidade do traxecto a realizar, a través de ISFAS, MUFACE ou calquera outra entidade pública ou privada (Servizo Galego de Apoio á Mobilidade Persoal da Xunta de Galicia, Transporte adaptado e asistido recoñecido mediante resolución do Plan individual de Atención á Dependencia (PIA en adiante) da Xunta de Galicia, Percepción do subsidio de compensación de gastos de transporte da LISMI, Fundación ONCE, e outros).
6. Se a persoa é maior de 18 anos non constar como titular de vehículo.
7. Carecer de mais dun (1) vehículo na unidade de convivencia para a súa condución, e no caso de existir, poderán solicitar esta axuda soamente para aqueles períodos nos que, por causas sobrevidas debidamente acreditadas, non poidan ser utilizados.
8. Que a renda *per cápita* (RPC) mensual das persoas computables, non sexa superior ao 175% do IPREM mensual vixente.
9. Estar ao corrente das súas obrigas tributarias, coa seguridade social e coa facenda autonómica e local, e non atoparse inhabilitada para a obtención de subvención pública.
10. Non superar os **35km de radio** entre o Concello de Arteixo e o destino solicitado.

#### **ARTIGO 5.- INSTRUCCIÓN DO PROCEDIMENTO E RESOLUCIÓN**

A instrución do procedemento corresponde ao Departamento de Servizos Sociais do Concello de Arteixo. Corresponde á Concelleira Delegada en materia de Igualdade, Servizos Sociais, Sanidade e Educación, a súa concesión ou desestimación.

#### **ARTIGO 6.- DOCUMENTACIÓN NECESARIA PARA A SOLICITUDE DAS AXUDAS**

As solicitudes presentaranse no Rexistro Xeral do Concello de Arteixo, segundo o modelo oficial, acompañadas da seguinte documentación:

1. DNI ou TIE en vigor, da solicitante ou representante, de ser o caso, sempre e cando non obre na súa Historia social municipal.
2. certificado oficial de diversidade funcional e /ou Dependencia en vigor, sempre e cando non obre na súa Historia social municipal.
3. certificado que acredite a mobilidade reducida, ou ter dificultades no uso diario de transportes públicos colectivos, mediante certificado do Organismo público que corresponda.
4. Declaración responsable, no modelo oficial.
5. Autorización ao Concello para consultar os datos á AEAT, e de ser posible, á Tesourería da Seguridade social, relativos ao nivel de renda de todas as persoas computables, e o cumprimento das obrigas da destinataria. No caso de opoñerse, deberá facelo constar no cadro habilitado para tal efecto na solicitude e, ao mesmo tempo, achegar os documentos.
6. Se algunha das persoas computables, non está obrigada a presentar a declaración do IRPF, ou no caso de precisar verificación por parte do Concello, a xustificación dos ingresos efectuarase mediante:
  - a) Cando sexan susceptibles de percibir pensións, prestacións, subsidios ou similares, calquera que sexa a súa orixe ou natureza (plans de pensións, seguros privados, pensións do estranxeiro e outros), certificado emitido polos organismos correspondentes, indicando a contía mensual, de ser o caso, ou extracto bancario dos últimos doce (12) meses que así o acredite.
  - b) No caso de atoparse en idade laboral, inactivas e sen prestación, certificado de vida laboral.

#### **ARTIGO 7.- SUBSANACIÓN E REFORMULACIÓN DE SOLICITUDES.**

Cando a solicitude non reúna os requisitos sinalados no artigo 66 da Lei 39/2015, do Procedemento Administrativo Común das Administracións Públicas, ou non se acompañe a documentación esixida, requirirase á persoa interesada para que, no prazo de 10 días, emende a falta ou acompañe os documentos preceptivos, con

indicación de que, se así non o fixese, considerarase desistida na súa petición poñendo fin ao procedemento.

As Bases que rexen estas axudas non prevén a posibilidade de reformulación de solicitudes, establecida o artigo 27 da Lei Xeral de Subvencións, sen prexuízo da corrección prevista na Lei 39/2015, do 1 de outubro, do Procedemento Administrativo Común das Administracións Públicas.

#### **ARTIGO 8.- RÉXIME DE RECURSOS CONTRA A RESOLUCIÓN**

Contra a resolución, que pon fin á vía administrativa, e de conformidade co disposto nos artigos 123 e 124 da Lei 39/2015, do 1 de outubro, e 8, 45 e 46 da Lei 29/1998, do 13 de xullo, poderase interpoñer recurso de reposición ante o mesmo órgano que ditou o acto recorrido ou recurso contencioso-administrativo perante o xulgado do Contencioso Administrativo, dentro do prazo de dous meses contados desde o día seguinte ao da recepción da notificación.

En caso de optar polo recurso potestativo de reposición non se poderá interpoñer o recurso contencioso-administrativo ata que aquel sexa resolto expresamente ou produciuse a súa desestimación por silencio administrativo.

#### **ARTIGO 9.- VALORACIÓN**

Unha vez obtida toda a documentación, o exame das solicitudes realizarase por unha Comisión de Avaliación.

Avaliadas as solicitudes seguindo os criterios establecidos, a Comisión de valoración elevará unha proposta de concesión ao órgano competente para resolver, na que figurarán as solicitudes propostas para obter a axuda e o importe para cada unha delas.

As resolucións ditaranse por rigorosa orde cronolóxica de entrada das solicitudes ata esgotar o crédito orzamentario dispoñible. Para tal fin, considerarse data de presentación da solicitude aquela en que conste como validamente presentada, por terse cuberto na forma correcta e ir acompañada da totalidade dos documentos exixidos nesta disposición.

Unha vez recibida a notificación de concesión da Axuda, a destinataria ou quen a represente, deberá poñerse en contacto co Departamento de Servizos Sociais do Concello, a fin de recibir as instrucións necesarias para a efectividade desta. Transcorridos tres (3) meses sen a aceptación e recepción das instrucións, entenderase tacitamente que desiste da súa solicitude e archivarase por caducidade.

#### **ARTIGO 10.- XUSTIFICACIÓN**

Os Documentos para a xustificación da Axuda presentaranse obrigatoriamente nos primeiros dez (10) días de cada mes seguinte ao da prestación do servizo.

O Concello reserva para si o dereito de comprobar, polos medios que estime oportunos, que a xustificación é correcta, quedando a destinataria obrigada a facilitar tanta información sexa requirida polo Departamento de Servizos sociais para a Intervención Municipal.

#### **ARTIGO 11.- PROCEDIMIENTO DE NOTIFICACIÓN E PUBLICIDADE**

As axudas serán notificadas, preferentemente por medios electrónicos, a cada solicitante con indicación da causa de denegación, de ser o caso.

#### **ARTIGO 12.- DATOS DE CARÁCTER PERSOAL**

De conformidade coa Lei orgánica 3/2018 do 5 de decembro, de protección de datos de carácter persoal, os datos persoais recollidos na tramitación deste procedemento, cuxo tratamento e publicación autoricen as interesadas mediante a presentación das solicitudes, serán incluídos nun ficheiro denominado "SIUSS", co obxecto de xestionar o presente procedemento e informar as interesadas sobre a súa tramitación. O órgano responsable deste ficheiro é o Concello de Arteixo. Os dereitos de acceso, rectificación, cancelación e oposición poderanse exercer ante o Alcalde do Concello de Arteixo, mediante o envío dunha comunicación ao seguinte enderezo: Rúa Alcalde Ramón Dopico, núm. 1, 15142 Arteixo (A Coruña), ou a través dun correo electrónico a [alcaldia@arteixo.org](mailto:alcaldia@arteixo.org).

#### **ARTIGO 13.- REMISIÓN NORMATIVA**

En todo o non recollido nesta disposición aplicarásese o disposto nas Bases publicadas no BOP número 237 de 15 de decembro do 2.017; na Lei 39/2015, do 1 de outubro; na Ordenanza municipal núm. 26 reguladora da concesión de subvencións municipais publicado no BOP do 23/04/2018; na Lei 9/2007, do 13 de xuño, no Decreto 11/2009, do 8 de xaneiro, polo que se aproba o seu regulamento; na Lei 38/2003, de 17 de novembro, General de Subvenciones, e no seu regulamento publicado no Decreto 887/2006, do 21 de xullo, ademais de toda aquela que pola súa materia específica sexa aplicable.

#### **DISPOSICIÓN DERRADEIRA.- ENTRADA EN VIGOR**

Esta convocatoria entrará en vigor o día 1 de xaneiro de 2026.